



## Universitätsbibliothek Paderborn

**R. P. Ioannis Evsebii Nierembergii Vita Divina, Sev Via  
Regia Ad Perfectionem**

**Nieremberg, Juan Eusebio**

**Antverpiae, 1644**

Capvt VI. Divinæ voluntatis impletionem, summum eße hujus vitæ bonum;  
cælum quoddam, & anticipatam beatitudinem.

[urn:nbn:de:hbz:466:1-46802](#)

C A P V T V. 57

prodesse queat sine animâ, quid nobis profit habere animam sine Deo , qui animæ nostræ ipsissima est anima ? quemadmodum enim nulla res utilis est sine vitâ, ita vita nulla est utilis sine Deo.

C A P V T V I.

*Divina voluntatis impletionem summum esse  
hujus vita bonum ; calum quoddam,  
& anticipatam beatitudinem.*

Ex his quæ dicta sunt , conficitur, uti divinæ voluntatis exsecutio, bonorum omnium collectio est, ita esse etiam supremum vitæ hujus bonum, anticipatam beatitudinem . Paradisum quendam terrestrem, & admirabilem gloriam in hâc valle lacrymarum. Si enim conditiones attendamus, quas ad beatitudinem necessarias esse contendunt Philosophi. (a) Doctoresque Scholastici, (b) eas in perfecta cum divina voluntate conspiratione omnes reperiemus.

Secundùm quosdam, Beatitudo est status omnium bonorum aggregatione perfectus. (c)

C 5 atqui

a Arist lib. 1. Ethic. Lactant. lib. 3. divinarum institut. cap. 7. & 8. b S. Thomas 1. 2. q. 2. & seqq. ac Theologi ibi. c Boëthius lib. 3. de consolat. Philos. prosa 2.

## 58 VITÆ DIVINÆ

atqui hanc in exercitio isthoc habemus. Bonum enim omne triplici illa bonorum classe, boni, videlicet, utilis, jucundi, & honesti continetur: quæ omnia diuinæ voluntatis impletioni inesse, suprà ostendimus; ita ut nihil eadem vel nobis vtilius, vel jucundius, vel honestius esse possit.

Aliis Beatitudo definitur, *cui nihil deest;* hocque fit etiam in humanæ voluntatis ad diuinam conformatio[n]e. Nam cum rei alicuius defectus nō proueniat inde, quod eā careamus, verū ex nostro ipsius desiderio: quisquis sincerè integreque Dei implet voluntatem, aliud ille præter hanc nihil appetit, neque propendet in rem ullam, multoq[ue] minus immoderatè eandem desiderat.

. Alij Beatitudinem ajunt esse, *bonum quoddam indefectibile,* erga dūm æternum sine ullâ mutatione vel interruptione: id quod non minus quadrat in hominem diuinæ voluntati devotum, cùm bonum ab ipso obtentum, quodque possidet gaudium, nunquam possint deficere: utpote cuius eamdem causam semper apud se habeat, hoc est, voluntatem Dei, eiusque impletionem, quæ sibi, qualitercumque res cadant, lætis tristibusque temporibus, invariata semper

## C A P V T V I . 59

semper constat, omnia à Dei manu profici,  
libenter agnoscens. Atque uti Christus  
Dominus noster beatitudinem animæ in-  
ter acerbissimos etiam cruciatus numquā  
amisit: sic qui cum diuinâ voluntate con-  
sentit, quantiscumque molestiis dolori-  
busq; affligatur, pace illâ læti animi num-  
quam excidit, semper contentissimus.  
Quandoquidem enim diuinæ voluntati  
suâ arctissimè copulavit, dum cuncta à tam  
beneuolo animo, & potente manu prove-  
nire agnoscit, omnes istæ molestiæ ipsi ver-  
tuntur in gaudium: eò quòd magis desi-  
deret ametq; voluntatem Dei quam pro-  
priam, quo sit, vt ex rebus ceteroqui  
tristitiam fortasse allaturis, lætitiam ipse  
haud vulgarem consolationemque re-  
portet, nihil habens quod inquietare  
eum possit pacemque animi interturba-  
re. Utque sancto Abbatu Deicolæ cæle-  
stium deliciarum, quibus eius animus  
redundabat, vis ingens risum ferè per-  
petuò commovebat, quòd diceret: *Chri-  
stum à me tollere nemo potest* & ita qui  
cum diuino beneplacito accuratè con-  
sentit, pacatam meritò hilaremque vi-  
tam agat, vereque dicat: *D E U M à me*

C 6 tol-

a Roderic. p.1.tr.3.cap.5.

60 VITÆ DIVINÆ

*volere nemo potest.* Lætitia isthæc tam constans est & continua , ut hîc cœpta , in omnem æternitatem sit duratura : nec enim morte terminatur aut interrumpitur ; sed progreditur ex hâc vitâ in alteram , ut ibi perennet in secula seculorum.

Quod si Beatitudo , uti aliis placet , est complementum omnium desideriorum ; quanta est felicitas illius , qui nihil vult aliud , nihil desiderat , quâm quod Deus ? Vedit hic talis expletam omnium desideriorum suorum expectationem : quidquid deinde etiamnum desiderat , quidquid desiderare potest , illud universum pro voto ipsius , modo quodam admirabili , semper impletur : quoniam suam voluntatem penitus abnegando , unamque & eamdem cum Deo voluntatem habendo , hâc ratione tantum proficit , ut semper faciat voluntatem suam : quæ sine dubio causa est lætitiae planè singularis .

Postremò divinæ voluntatis adimpletiō , est quædam Dei cum arctissimâ unione possessio ; quia re nullâ aliâ duo fortius colligantur , quâm mutuâ voluntatum consensiōne : quæ facit , ut dicantur cor unum & anima una ; (a)utque ut alter in alterum velut trans-

\* Actor. 4.v. 32.

C A P V T V I .

transfusus transformatusque videatur. Sicut igitur Deus est *omne bonum* (b) ita qui ejus Majestati tam firmo nexu adstringitur, eumque amoris titulo possidet, jure is *omne bonum* obtinere censeatur. quod si obtinet, manifestum est, nihil ei deesse. Si autem nihil deest, tantum certè bonum, quantum est secura tranquillitas, minimè omnium defuturum, credi debet. Usque èd, ut hanc in vito auferre nemo queat; quia summâ felicitate fruenti, quæ in hâc vitâ, absque ullo defectu, aut (propriam culpam excipio) mittendi periculo, possessione omnis boni obtineri potest.

**Exodi 33. v. 19.**

## C A P Y T   V I I .

Etsi neque obligati essemus; neque tam honorificum, jucundum, & utile foret: necessitas ipsa ad Dei voluntatem exsequendam nos adigit & compellit.

**S**i quem hactenus dicta nondum fortè  
permoverent, ad suam voluntatem pe-  
nitūs abjiciendam, desideriaque propria  
moderanda; is velim cogitet, nisi volens &  
sponte suā ad divinam se voluntatem ac-  
commodeat, numquam tamen futurum, ut